



INUIT ATAQATIGIIT INATSISARTUNI

Ulloq: 3. november 2006
UKA/2006

Inatsisartut Suleriaasianni § 36, imm. 2 naapertorlugu Naalackersuisunut apeqquut imaattoq matumuuna saqqummiuppara:

Naalackersuisunut apeqquut: Inissianik attartortut akiliutigisimasamik ilaannik akikillisaaffigineqartalernissaanni, inissiani isatigassani attartortuusut uteqqissinnaanissaminnut atatillugu, inigisimasaminnut akiliutigisimasatik piginneqataassutissatut akikillisaatitut atorsinnaassavaat? Suna tunngavigalugu inissiarsuarni attartortut, inissiat isatigassat qimalerneranni inissiap qanoq issusaa tunngavigalugu akiligassinneqassappat?

(Olga P. Berthelsen, Inuit Ataqatigiit).

Tunngavilersuut:

Ulloq 30 okt. Qanorooq-kut Ineqarnermut Naalackersuisup nalunaarutigaa, Naalackersuisuniit pilersaarutigineqartoq inissianik attartortut akiliutigisimasamit ilaannit akikillisaavigineqarsinnaanngorumaartut.

Tamanna pilersaarut assut tusarluarnarpoq, tassami inuit ukiorpassuit akiliutigisimasaat taamaasillutik isumaqarnerulissammata.

Inuit inissiani isatigassani attartortuusut aamma, ukiorpassuarni akilersuisimapput taamaattumillu taamatut pisinnaatitaaffeqarnissaat pissusissamisuuqinnassalluni.

Inissiarsuarni isatigassani attartortut taassuuna qanoq inissisimatinniarnearpat?

Tupigusuutigineqanngitsoorsinnaanngilaq inuit inissiani attartukkaminni, isaternerqarnissaallu pillugu qimattariaqakkaminniit anilernerminni akiligassinneqarnissaat, tassa inissiami aserfallaataasimasunik akiliisinneqarnissaat. Tamanna eqqortuusinnaanngilaq tassami inissiat isatilikkat akiligassiissutigineqarsinnaanngillat.